

Na osnovu člana 16. stav 2. Zakona o Vladi Zeničko-dobojskog kantona - Prečišćen tekst („Službene novine Zeničko-dobojskog kantona”, broj: 7/10 i 3/23), a u skladu sa Programom utroška sredstava Ministarstva zdravstva na poziciji „Kapitalni transferi drugim nivoima vlasti – za zdravstvo“ Budžeta Zeničko-dobojskog kantona za 2025. godinu - Izvor 10, broj: 02-11-14735/25 od 01.08.2025. godine, na prijedlog Ministarstva zdravstva, Vlada Zeničko-dobojskog kantona, na 95. sjednici, održanoj dana 22.08.2025. godine, d o n o s i

## **ODLUKU**

### **o odobravanju sredstava JU Kantonalna bolnica Zenica za nadogradnju informacionih sistema na Odjelu radiologije i Odjelu patologije**

#### **Član 1.**

##### **(Predmet)**

(1) Odobravaju se sredstva JU Kantonalna bolnica Zenica u iznosu od 2.807.625,60 KM (slovima: dvamiliona osam stotina sedam hiljada šest stotina dvadeset pet i 60/100 konvertibilnih maraka) za finansiranje nadogradnje informacionih sistema na Odjelu radiologije i Odjelu patologije.

(2) Odobrena sredstva odnose se na realizaciju Ugovora o nabavci usluga digitalizacije i informatizacije Odjela radiologije i Odjela patologije za potrebe JU Kantonalna bolnica Zenica broj: 30-04-4991/25 od 25.07.2025. godine, koji je zaključen između JU Kantonalna bolnica Zenica i „EHS“ d.o.o. Sarajevo koji je ovlašteni predstavnik Konzorcija „EHS“ d.o.o. Sarajevo i „BERG“ d.o.o. Sarajevo.

#### **Član 2.**

##### **(Analitička konta)**

(1) Sredstva iz člana 1. ove odluke isplatit će se iz Budžeta Zeničko-dobojskog kantona za 2025. godinu („Službene novine Zeničko-dobojskog kantona”, broj: 25/24 i 12/25) sa razdjela 21 - Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija „Kapitalni transferi drugim nivoima vlasti - za zdravstvo”.

(2) Sredstva odobrena Odlukom će se transferisati na žiro-račun JU Kantonalna bolnica Zenica broj: 1340100000339717 otvoren kod ASA banke, na osnovu Odluke i ugovora o nabavci na sljedeći način:

- a) Sredstva u iznosu 1.403.812,80 KM (slovima: jedan milion četiri stotine tri hiljade osam stotina dvanaest i 80/100 konvertibilnih maraka) će se transferisati po donošenju ove Odluke i
- b) Sredstva u iznosu 1.403.812,80 KM (slovima: jedan milion četiri stotine tri hiljade osam stotina dvanaest i 80/100 konvertibilnih maraka) će se transferisati u roku od 120 dana od donošenja ove Odluke.

#### **Član 3.**

##### **(Provođenje Odluke)**

Za provođenje ove odluke zadužuju se Ministarstvo zdravstva, Ministarstvo finansija i JU Kantonalna bolnica Zenica, svako u okviru svoje nadležnosti.

#### **Član 4.**

##### **(Izveštavanje)**

(1) U slučaju neizvršavanja ugovorenih obaveza dobavljača u ugovorenim rokovima obavezuje se JU Kantonalna bolnica Zenica da o navedenom izvijesti Ministarstvo zdravstva.

(2) Obavezuje se JU Kantonalna bolnica Zenica da izvijesti Ministarstvo zdravstva o namjenskom utrošku sredstava dostavljanjem fakture dobavljača u skladu sa zaključenim ugovorom i dokaza o uplati sredstava dobavljaču.

(3) U slučaju nepostupanja prema članu 4. stav (1) i (2) ove odluke, JU Kantonalna bolnica Zenica dužana je odobrena sredstva uplatiti u korist Budžeta Zeničko-dobojskog kantona.

#### **Član 5.**

##### **(Stupanje na snagu)**

Ova odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-15781/25

Datum, 22.08.2025. godine

Zenica

**PREMIJER**

***Nezir Pivić***

DOSTAVLJENO:

1x Ministarstvo zdravstva,

1x Ministarstvo finansija,

1x JU Kantonalna bolnica Zenica, putem Ministarstva,

1x „Službene novine Zeničko-dobojskog kantona“,

1x a/a.